

年青人理財教育

遊戲理財攻略



滙豐
HSBC

滙見新可能

Opening up a world of opportunity

目錄

🔗 點擊可瀏覽各個章節

你係邊種類型嘅玩家？ 03

「課金」 05

計吓你課咗幾多金 07

點樣避免喺遊戲裏面分享太多資料？ 09

幫你嘅密碼「升呢」 11

我的每月預算表 13

你係邊種類型嘅玩家？

喺遊戲世界裏面，你會不顧一切咁去贏？

定係鍾意喺有課金嘅情況下打敗對手？你係咪可以喺挑戰裏面全身而退，定係會堅持到底？

揀出你最啱心水嘅答案，搵出你係邊種類型嘅玩家…

1. 你最鍾意喺遊戲裏面做咩？

- A 探索唔同關卡同完成所有任務
- B 買好多新嘢
- C 玩遊戲嘅時候同朋友傾計
- D 管理遊戲裏面嘅資產
- E 贏

2. 你玩遊戲嘅主要目的係咩？

- A 完成新嘅挑戰
- B 不顧一切用最短時間完成遊戲闖關
- C 同隊員拍住上，一齊贏
- D 用我擁有嘅資源去完成唔同嘅關卡
- E 成為排名榜上嘅第一

3. 當你完成咗一個關卡嘅時候，你會

- A 諗吓下一個關卡會有啲咩
- B 期待下次買咩角色造型或者戰鬥通行證
- C 好奇邊啲人會係下一次嘅隊友
- D 確保自己下次唔會再犯同樣嘅錯誤
- E 計劃點樣完成下一關

4. 你會唔會「課金」？

- A 一時時
- B 一有機會就會
- C 經常
- D 從來都唔會，唯錢
- E 如果能夠幫我贏嘅，我會俾錢

5. 你同邊個一齊玩遊戲？

- A 自己一個玩比較方便
- B 自己玩同入隊玩兩樣都鍾意
- C 成日都同其他人一齊玩，無論係識定唔識都好
- D 淨係同識嘅人玩
- E 只同最勁個啲玩家一齊玩

如果你嘅答案：



多數揀A 虛擬世界冒險家

你對遊戲世界瞭如指掌，你體驗過所有關卡，透過高超嘅技巧同努力完成所有挑戰。其他人通常都會問你點樣完成咁多個挑戰。但你要注意唔好花太長嘅時間喺遊戲裏面而忽略咗現實世界中嘅所有人……



多數揀B 消費型玩家

你鍾意喺遊戲裏面領先，而且你會不顧一切代價快速完成目標！無論要付出幾大代價，你都願意俾錢去過下一關、買角色造型或者贏挑戰。但要注意唔好因為沉迷喺遊戲裏面而忘記咗自己喺現實裏面用咗幾多錢。要記住，喺現實生活裏面都有好多值得你同朋友分享嘅經歷……



多數揀C 社交型玩家

對你嚟講，社交係遊戲裏面最好嘅部分，遊戲就係一個大型嘅網上派對，喺遊戲世界入面有邊個係你唔識嘅呢？識唔同嘅人唔單只令你嘅生活增添樂趣，而且你知道人脈對你好有幫助，你識得點樣同其他人合作，幫自己過關。但係當你周圍識人嘅同時都要注意安全，因為佢哋可能會呃你錢或者氹你分享個人資料……



多數揀D 最型嘅操作者

你一直都能夠控制自己嘅角色同遊戲方式。喺關鍵時刻，冇咩難倒你。你總係三思而後行，知道自己想要咩，同埋為咗得到佢你要點樣準備。你清楚知道如果你能夠保護好自己嘅錢、資料、個人檔案同人際網絡，你就會成為最終嘅大贏家。



多數揀E 超級競賽者

贏咗先算！你完全專注喺排名榜同埋點樣過關上面，至於用咩手段去贏對你嚟講並唔重要。你要小心嘅係唔好因為太專注喺過關上，而唔記得咗時間、金錢同埋你嘅同伴……

「課金」


雖然好多遊戲一開始都係免費嘅，但都會有啲嘢吸引你去「課金」，例如建立一個更強嘅角色或者得到更有殺傷力嘅武器。

要好好控制住自己嘅花費有時可能會好難，尤其是當你玩到最刺激緊張個陣，好容易冇留意自己駛咗幾多錢。

▶ 了解「課金」

你可能以為只要下載咗個遊戲，就唔駛再俾錢。但係，好多遊戲都會設計唔同嘅嘢要你「課金」，你可能一路玩，一路買。呢啲購物選項通常會喺玩家玩到最需要嘅時候出現，例如你要幫手先能夠完成到個挑戰或者過關嘅時候，我哋都知玩家有時真係好難拒絕。但要記住，喺你玩遊戲嘅過程裏面，通常呢啲小數目都會好快累積成龐大嘅金額。

▶ 可以喺遊戲裏面買到嘅常見物品




▶ 留意住你「課金」嘅情況

現實生活中，賺錢有好多方法，駛錢都係一樣。問題係：你點樣善用你嘅錢，同埋將錢駛嘅咩地方呢？

最重要係你必須知道自己嘅「課金」嘅時候用嘅付款方式，仲有記錄低你嘅消費。諗吓你一個月有幾多錢，又反省吓你「課金」買咗啲咩。然後，定一個儲錢嘅目的，同計出每個星期要儲幾多錢，盡力堅持你嘅計劃。呢一切都係為咗控制你嘅消費，同避免嘅遊戲裏面衝動消費而做嘅。用預付卡可以幫你定一個「課金」嘅上限。

要記住，你嘅虛擬世界裏面駛得越多，你嘅現實世界裏面可以用嘅錢就越少！以下預算表可以幫你隨時了解自己嘅「課金」情況。

 擦呢度去我的每月預算表

計吓你課咗幾多金


一齊了解一下你嘅錢駛咗嘅遊戲裏面邊啲地方。

揀出你最近五次買咗嘅嘢，同計下用咗幾多錢：

項目	數量	金額
 角色造型		\$
 遊戲幣		\$
 武器		\$
 戰鬥通行證		\$
 隱藏功能		\$
 扭蛋		\$
 解鎖額外關卡		\$
 貼紙		\$
 能量同技能		\$
 虛擬禮物		\$
 工具		\$
合共		
總數		\$

扣咗「課金」總數後，淨低嘅錢係現實世界係咪唔夠駛？呢啲小數目加起上嚟係咪好襟計呢？想像一下，呢筆錢其實你仲可以駛嘅邊度？

而家，我哋一齊試下解決以下嘅問題！



你嘅錢，你話事

- 1 如果你每個月有 2,000 蚊零用錢，將其中嘅 60% 駛係遊戲上，咁樣你每個月仲淨幾多？
- 2 下面邊種方式會令你係一年內駛更多錢：用 500 蚊買遊戲，再用 350 蚊買遊戲裏面嘅額外配備。定係免費下載遊戲，然後每個月用 100 蚊買遊戲裏面嘅額外配備？
- 3 你想買新造型俾自己嘅遊戲角色，同埋買遊戲點數嚟換一啲扭蛋。
你可以用 100 蚊買 1,000 個遊戲幣。
a) 買 2,500 個遊戲幣要幾多錢？
b) 一個新角色造型要 800 個遊戲幣，而一組五個扭蛋要用 500 個遊戲幣。咁即係一共要用幾多遊戲幣呢？如果你一開始只有 2,500 遊戲幣，你仲淨返幾多？

你嘅時間，你嘅朋友圈

- 4 一個星期內，如果你星期一至五每日用兩小時玩遊戲，星期六同日再每日用三小時玩遊戲，即係你一共玩咗幾耐呢？
- 5 如果你經常同 10 個朋友一齊玩，而佢哋每個人又再同另外 10 個人一齊玩，咁你即係透過你嘅朋友一共識咗幾多人？

▶▶▶▶▶ 答案

- 1 你每月會淨返 800 蚊。
- 2 免費遊戲每月消費 100 蚊，一年總共駛咗 1,200 蚊。而俾錢買嘅遊戲同額外配備只需要用 850 蚊。即係其實免費遊戲最後可能令你駛得更多錢！
- 3 a) 你要用 300 蚊買 2,500 個遊戲幣。
b) 買一個新角色造型同五個扭蛋要 1,300 個遊戲幣，所有你仲淨返 1,200 個遊戲幣。
- 4 16 個小時！
- 5 100 個人，好多可能係你唔識嘅人（再諗吓佢哋每個人又識幾多個人？），所以一定要小心唔好亂咁將自己嘅私人嘢周圍話俾人知。

點樣避免喺遊戲裏面 分享太多資料？

自從有咗網上遊戲、串流同社交媒體後，
同唔識嘅人喺網上交流係好平常嘅事。

可能佢哋想同你合作搞活動，又或者想你喺佢哋嘅新串流平台度合作。但你點知佢係咪正當嘅呢？

喺遊戲裏面，你永遠都唔知道你真實嘢同緊邊個傾計。佢哋可能表面上好似你最好嘅朋友咁，不停讚你玩遊戲玩得好勁，但實際上可能佢哋只係想擺到你嘅個人資料。事實上，身份盜用、錢騾騙案同戶口詐騙等等都有機會係遊戲世界裏面發生。

下面嘅內容話你知點樣喺享受遊戲嘅同時保障自身安全。



✔ 可以…

…同你信任嘅人討論咩內容可以放嘅網上面同原因

…請你信任嘅人定期幫你檢查你嘅私隱設定

…喺遊戲入面只加你喺現實生活中識嘅朋友，即使有啲人係你朋友嘅網友，都唔好亂加

…記住，你喺網絡上放嘅所有內容都會留喺上面好一段時間，同會俾好多人睇到。呢啲內容並唔會因為你登出而消失

…幫自己設定一個好難破解嘅密碼

…用唔同嘅電郵去玩遊戲，去確保你嘅主機或電腦同個人資料安全

…小心惡意軟件或者外掛程式，佢哋睇落去好似遊戲內容咁，但其實係專門設計嚟去偷走你嘅主機或電腦裏面嘅個人資料同銀行資料

…學識點樣識別「網絡釣魚詐騙」- 嗰啲你提供個人資料嘅電郵

…遵從你嘅直覺 - 如果有啲嘢你覺得「伏伏地」，可能佢真係有問題

✘ 千祈唔好…

…將你嘅社交媒體賬戶、相片或者任何其他個人資料隨便俾任何人

…喺任何地方輸入任何銀行資料，除非你已經同你信任嘅人確認咗係安全嘅

…喺網上隨便向任何人分享你嘅個人資料 - 包括你嘅身份、住址、電話號碼、出生日期、學校等資料

…透露你或親朋戚友嘅銀行資料

…應承幫其他人保管金錢或者轉賬

…回覆唔識嘅人同打開佢哋傳過嚟嘅附件或連結

…喺第三方網站同人傾計或者購物。留喺你熟悉嘅遊戲平台嗰度 - 大型遊戲平台通常會監控平台活動，防止壞人進入



幫你嘅密碼「升呢」

喺遊戲世界裏面，確保賬戶安全係非常重要。

大家好多時要同時管理好多個唔同嘅賬戶，例如遊戲平台、網上社群同遊戲裏面買咗嘅配備，所以揀一啲高安全性又難破解嘅密碼至關重要。

雖然定一個容易記嘅密碼會方便好多，但你應該盡可能提升密碼嘅強度去增強對自己嘅保障。

你都要確保其他重要賬戶嘅安全，例如流動或網上理財、社交媒體同電郵。

幫每個賬戶定唔同又複雜嘅密碼係非常聰明嘅做法。盡量唔好係所有賬戶都用同一個密碼，因為如果黑客成功入侵你其中一個賬戶，佢哋就可以重設你其他賬戶嘅密碼。

定複雜嘅密碼同定期改新密碼，可以幫你保護自己，避免你俾人哋同預防遊戲裏面嘅潛在危機。

▶ 幫密碼「升呢」：容易記，但唔易俾人估到

你可以隨意用三組生字組成一個複雜但易記嘅密碼。如果你想加強密碼嘅安全性，可以再加數字同符號。

例如：



TurfChainPasta4!



小貼士

TurfChainPasta4!

- 用大階同細階字母、數字加符號嘅組合



- 為網上銀行定一個同其他賬戶唔同嘅密碼



- 如果你擔心密碼已經洩露，就要馬上改密碼



- 上完任何網站或者用完電子設備之後，記得登出


要避免嘅事情

唔好用可以俾人輕易估到嘅密碼，例如：

- 家人嘅名
- 寵物嘅名



- 最鍾意嘅足球隊？
- 生日



亦都唔好用下面嘅例子作為密碼：

- “password”呢個字
- 數字順序或倒序，例如“12345”
- 好易俾人識穿嘅鍵盤模式，例如“14780”或者“qwerty”
- 黑客容易破解嘅常用字

千祈唔好喺任何地方寫低你嘅密碼或者分享俾任何人。

唔好喺網上銀行同其他服務裏面用相同嘅用戶名同密碼組合。最好用雙重認證去加強安全。



我的每月預算表

月份：



預算



遊戲支出



非遊戲支出



儲蓄目標

收入
(工資/零用錢/額外資助等)

預算支出
網上開支
(戰鬥通行證/寶箱/
角色造型等)

實際花費
(戰鬥通行證/寶箱/
角色造型等)

預算支出
(用餐、購買服飾、
聚會等)

實際支出
(用餐、購買服飾、
聚會等)

存錢原因
(例如購買新遊戲機)
所需金額：
每星期的儲蓄目標：

第一個星期

第二個星期

第三個星期

第四個星期

合計